

Rosa Ana Prada Queipo, secretaria do Concello de Ames (A Coruña)

Certifico: Que a Xunta de Goberno Local, na súa sesión ordinaria celebrada o día 19 de abril de 2018, adoptou entre outros, o acordo que copiado é do teor literal seguinte:

“PUNTO CUARTO.- CLASIFICACIÓN DE OFERTAS E REQUIRIMENTO DE PRESENTACIÓN DE DOCUMENTACIÓN PARA ADXUDICACIÓN DO PROCEDIMENTO ABERTO CUN ÚNICO CRITERIO DE VALORACIÓN (FACTOR PREZO) DA OBRA PAVIMENTACIÓN DE VIAIS NO NÚCLEO DE CAROUBÁNS (COVAS) DO CONCELLO DE AMES. POS + 2017.

Dáse conta á Xunta de Goberno Local da lista por orde decrecente da puntuación e proposta de adxudicación que formula a Mesa de Contratación no procedemento aberto para a adxudicación das Obras de pavimentación de viais no núcleo de Caroubáns (Covas) do Concello de Ames, obra pertencente ó POS + 2017.

A Mesa de Contratación, na reunión do día 18 de xaneiro de 2018, ante as elevadas porcentaxes de baixa presentadas por algúns dos licitadores procedeu a realizar os cálculos pertinente co programa da Excm. Deputación deseñado para este fin, observándose que as proposicións presentadas polas empresas Construcciones Ponciano Nieto SL, que ofertou unha baixa do 36,79 %, e Construcciones Leonardo Miguélez SL, que ofertou unha baixa do 35,79 % estaban incursas en situación de baixa temeraria.

Á vista deste feito, e tendo en conta o establecido no apartado 15.2 dos pregos de cláusulas administrativas, a Mesa de Contratación, por unanimidade dos seus membros presentes naquela reunión acordou dirixirlle escrito vía fax ás dúas empresas concedéndolle un prazo de 5 días naturais ós efectos de que xustificaran diante da Mesa de Contratación as baixas ofertadas, acompañando para elo a documentación á que se fai referencia no prego de cláusulas administrativas particulares.

Transcorrido o tempo concedido para a xustificación presentaron a documentación as dúas empresas requiridas. Déuselle traslado ós servizos técnicos do Concello da documentación presentada polas tres empresas que presentaron en prazo documentación para xustificar a súa oferta económica.

Á vista do resultado do exame realizado pola arquitecta técnica municipal, por María Gamundi Fernández, en data 5 de marzo de 2018, propón a exclusión, das empresas Construcciones Ponciano Nieto SL e Construcciones Leonardo Miguélez SL, do procedemento por non xustificar a súa oferta económica que estaba considerada como temeraria.

Tendo en conta que na licitación había empresas vinculadas, no primeiro cálculo económico só se tiveron en conta para calcular as posibles baixas temerarias os prezos máis baixos das empresas que manifestaron a súa vinculación. Debido a elo e para seguir adiante co procedemento de clasificación das ofertas presentadas era necesario introducir na fórmula de cálculo da Deputación Provincial as ofertas das empresas vinculadas, que quedaran fóra do primeiro cálculo por ser a súa oferta máis elevada que a da empresa vinculada elixida.

De novo, ante as elevadas porcentaxes de baixa presentadas polos licitadores e ó obxecto de comprobar se existen ofertas económicas que poidan considerarse desproporcionadas ou anormais, despois de realizar (de novo) os cálculos (co programa da Deputación deseñado para este fin) das medias aritméticas das ofertas presentadas, obsérvase que as proposicións presentadas polas empresas Construcciones J. Mauri e Hijos SL, que ofertou unha baixa do 35,89 %, e Sondeos Porzuna SL, que ofertou unha baixa do 34,97 %, están consideradas como desproporcionadas e anormais (ver cadro de valoración do programa da Deputación adxunto). Á vista deste feito e tendo en conta o establecido no apartado 15.2 dos pregos de cláusulas administrativas, a Mesa de Contratación na súa reunión de 7 de marzo de 2018, por unanimidade

dos seus membros presentes ACORDOU:

1º.- Dirixir escrito vía fax ás empresas, cuxa oferta se considera como desproporcionada, concedéndolle un prazo de 5 días naturais ós efectos de que xustifiquen ante a Mesa de Contratación a baixa ofertada, acompañando para elo a documentación que estimen necesaria para a devandita xustificación. En todo caso, deberán ter en conta o estipulado no artigo 152.3 do RDL 3/2011 de 14 de novembro polo que se aproba o Texto Refundido da lei de contratos do sector público.

2º.- Que a Mesa se reuniría novamente para puntuar as ofertas económicas unha vez que polos servizos técnicos se emitira o informe sobre a documentación xustificativa das baixas que presentaran os licitadores.

Con data 12 de marzo de 2018 remítíuselle escrito de requirimento ás dúas empresas que segundo o programa de cálculo da Deputación Provincial seguían entrando en oferta económica desproporcionada. Transcorrido o tempo concedido para a xustificación presentaron a documentación as dúas empresas requiridas. Déuselle traslado, de novo, ós servizos técnicos do Concello da documentación presentada polas dúas empresas para xustificar a súa oferta económica.

A arquitecta técnica municipal, María Gamundi Fernández, emitiu informe, con data 4 de abril de 2018, afirmando que ningunha das dúas empresas xustificaba de xeito axeitado a baixa considerada como desproporcionada, polo que debía informar desfavorablemente a continuación das dúas empresas no procedemento de contratación, propoñendo a súa exclusión.

A Mesa de Contratación, na súa reunión do día 9 de abril de 2018, unha vez valoradas convenientemente as ofertas dos licitadores, elaborou unha lista de licitadores ordenada de xeito decrecente segundo a puntuación obtida por cada un deles e propón a adxudicación das obras á empresa Nexia Infraestructuras SLU, por ser a que obtivo a maior puntuación, segundo os criterios establecidos no prego de cláusulas administrativas, resultando a puntuación total obtida por cada un dos licitadores a seguinte:

	EMPRESA	OFERTA ECONÓMICA CON IVE	% DE BAIXA	PUNTOS
3	NEXIA INFRAESTRUCTURAS SLU	21.585,15	33,21	37,23
6	MARTÍNEZ MONTES E HIJOS SL	22.264,00	31,11	35,01
5	OVIGA SL	22.420,01	30,63	34,50
11	FRANCISCO GÓMEZ Y CÍA SL	22.716,54	29,71	33,54
16	CANARGA CONSTRUCCIONES SL	22.784,00	29,50	33,32
13	OBRAS Y VIALES CERNE SL	23.837,00	26,24	29,78
10	ASFALGAL TÉCNICA VIARIA SL	23.879,73	26,11	29,64
15	CONSTRUCCIONES D. OGANDO SL	24.219,87	25,06	28,49
12	OBRAS Y SANEAMIENTOS DE GALICIA SL	24.277,24	24,88	28,29
14	AQUABLUE SL	24.428,65	24,41	27,78
4	CONSTRUCCIONES MANTIDO SL	24.513,17	24,15	27,49
1	EXCAVACIONES POSE SL	29.645,00	8,27	10,14

Visto o que antecede a Xunta de Goberno Local, previa delegación da Alcaldía (Decreto 480/2016), por unanimidade dos seus membros presentes, acorda:

Primeiro.- A exclusión do procedemento das empresas Construcciones Ponciano Nieto SL, Construcciones Leonardo Miguélez SL, Sondeos Porzuna SL e Construcciones J. Mauri E Hijos SL, por non xustificar a súa oferta económica que estaba considerada como temeraria.

Segundo.- Clasificar por orde decrecente de puntuación ás empresas participantes no procedemento do seguinte xeito:

	EMPRESA	OFERTA ECONÓMICA CON IVE	% DE BAIXA	PUNTOS
3	NEXIA INFRAESTRUCTURAS SLU	21.585,15	33,21	37,23
6	MARTÍNEZ MONTES E HIJOS SL	22.264,00	31,11	35,01
5	OVIGA SL	22.420,01	30,63	34,50
11	FRANCISCO GÓMEZ Y CÍA SL	22.716,54	29,71	33,54
16	CANARGA CONSTRUCCIONES SL	22.784,00	29,50	33,32
13	OBRAS Y VIALES CERNE SL	23.837,00	26,24	29,78
10	ASFALGAL TÉCNICA VIARIA SL	23.879,73	26,11	29,64
15	CONSTRUCCIONES D. OGANDO SL	24.219,87	25,06	28,49
12	OBRAS Y SANEAMIENTOS DE GALICIA SL	24.277,24	24,88	28,29
14	AQUABLU SL	24.428,65	24,41	27,78
4	CONSTRUCCIONES MANTIDO SL	24.513,17	24,15	27,49
1	EXCAVACIONES POSE SL	29.645,00	8,27	10,14

Terceiro.- Declarar que as características esenciais da referida contratación para o licitador clasificado en primeiro lugar **Nexia Infraestructuras SLU** con CIF B-27802503 son as seguintes:

A.- Prezo: O importe da oferta do dito licitador ascende á contía de dezasete mil oitocentos trinta e oito euros e noventa e sete euros (**17.838,97.- €**) sen IVE.

B.- IVE repercutible: A contía do IVE repercutible ao tipo do 21% ascende a contía de tres mil setecentos corenta e seis euros e dezaioito céntimos (**3.746,18.- €**).

C. Prazo de execución: O prazo de execución do contrato será de **6 meses**, contados a partir do día seguinte ó da sinatura da acta de comprobación de replanteo, salvo que exista reserva fundada que impida o seu comezo.

D.- Resto de condicións: O adxudicatario deberá cumprir coas condicións fixadas nos pregos de cláusulas administrativas particulares polo que se rexeu o procedemento, así como coa proposición formulada.

Cuarto.- Notificar o presente acordo aos licitadores.

Quinto.- No prazo de dez días hábiles, contados a partir do día seguinte ao da notificación do presente acordo, o licitador clasificado en primeiro lugar deberá presentar a seguinte documentación imprescindible para, de ser o caso, proceder á correspondente adxudicación:

- Certificación acreditativa de estar ao corrente no cumprimento das obrigas tributarias e coa seguridade social.
- Documento acreditativo de ter constituída (en calquera das formas establecidas nos artigos 96 e 98 do TRLCSP, nas condicións previstas no artigo 97 do mesmo texto legal) unha garantía definitiva por un importe de 891,95 € segundo se especifica nos pregos que rexeron para a licitación correspondentes ao 5% do prezo de adxudicación excluído o imposto sobre o valor engadido.
- Documento xustificativo, de ser caso, de reembolso ao concello do importe dos anuncios de licitación. O adxudicatario deberá aboar ao concello en concepto de reembolso dos gastos de publicacións dos anuncios de licitación de acordo co estipulado no artigo 75 do Real Decreto 1098/2001 de 12 de outubro polo que se aproba o Regulamento Xeral da Lei de Contratos do Sector Público
- Deberá tamén presentar a seguinte documentación:

A) Documento acreditativo da personalidade xurídica do empresario

A-1) Empresario individual: fotocopia do NIF, pasaporte ou documento que o substitúa.

A-2) Persoas xurídicas:

- escritura de constitución ou modificación no seu caso, inscrita no Rexistro Mercantil, cando este requisito fose esixible conforme á lexislación mercantil que lle sexa aplicable.

Se non o fora: escritura ou documento de constitución, de modificación, estatutos ou acto fundacional, no que conste as normas polas que se regula a súa actividade, inscritos, no seu caso no correspondente rexistro oficial.

- Fotocopia da tarxeta de código de identificación fiscal (CIF), debidamente compulsada.

A-3) Empresas non españolas de Estados membros da Unión Europea

A capacidade de obrar das empresas non españolas de estados membros da Unión Europea acreditarase mediante a inscrición no rexistro procedente de acordo coa lexislación do Estado onde están establecidos ou mediante a presentación dunha declaración xurada ou un certificado, nos termos que se establezan regulamentariamente, de acordo coas disposicións comunitarias de aplicación.

A.4) Empresas non españolas de estados signatarios do Acordo sobre o Espazo Económico Europeo (Islandia, Liechtenstein e Noruega)

A capacidade de obrar destas empresas acreditarase mediante a inscrición no rexistro procedente de acordo coa lexislación do Estado onde están establecidos ou mediante a presentación dunha declaración xurada ou dun certificado, nos termos que se establezan regulamentariamente, de acordo coas disposicións comunitarias de aplicación (disposición adicional 14 TRLCSP).

A-5) Demais empresas extranxeiras

1. -Os demais empresarios estranxeiros deberán acreditar a súa capacidade de obrar cun informe da Misión Diplomática Permanente de España no Estado correspondente ou da oficina consular en cuxo ámbito territorial radique o domicilio da empresa.

2. -Informe de reciprocidade: as persoas físicas ou xurídicas de estados non pertencentes á Unión Europea deberán xustificar mediante un informe expedido pola Misión Diplomática Permanente Española, na que se faga constar que o Estado de procedencia da empresa admite á súa vez a participación de empresas españolas na contratación coa Administración en forma substancialmente análoga.

A-6) Disposición común a empresas estranxeiras (comunitarias ou non comunitarias): declaración de sometemento á xurisdición de tribunais e xulgados españois.

As empresas estranxeiras deberán presentar unha declaración de sometemento á xurisdición dos tribunais e xulgados españois de calquera orde, para todas as incidencias que de modo directo ou indirecto puidesen xurdir do contrato, con renuncia no seu caso, ao foro xurisdiccional estranxeiro que puidese corresponder ao licitante (art. 146.1.e da TRLCSP)

A-7) Empresas estranxeiras non comunitarias: sucursal en España

De acordo co art. 55.2 da TRLCSP, non se esixe dado que non se trata dun contrato de obras.

B) Poderes

Cando o licitador non actúe en nome propio ou se trate de sociedade ou persoa xurídica, deberá acompañarse dun poder notarial para representar á persoa ou á entidade en cuxo nome concorre ante a administración contratante.

O poder deberá figurar inscrito previamente no Rexistro Mercantil nos casos en que a dita inscrición sexa esixida polo Regulamento do Rexistro Mercantil

B-1) Verificación de poderes

Os poderes a que se refire o apartado b) da presente cláusula deberán bastantearse previamente polo secretario da corporación ou por un funcionario habilitado.

C) Prohibicións para contratar ou incompatibilidades

Declaración responsable de que a empresa interesada non se acha incurso en ningunha das prohibicións para contratar ou incompatibilidades establecidas no artigo 146 e 60 da TRLCSP, axustado ao modelo que se transcribe a continuación.

A declaración incluírá a manifestación de estar ao día no cumprimento das obrigas tributarias e coa Seguridade Social impostas polas disposicións vixentes e o feito de non ter débedas en período executivo co Concello de Ames, sen prexuízo de que a xustificación acreditativa de tal requisito debe de presentarse antes da adxudicación polo empresario a cuxo favor se vaia efectuar esta, axúntase modelo

"D/Dª..... con DNI..... e domicilio en..... actuando en nome e representación da empresa..... con domicilio en..... e CIF..... á que representa no procedemento de adxudicación do contrato denominado "....." (ou actuando en nome propio).

DECLARA

Que nin a empresa nin os seus administradores ou órganos de dirección están incursos en prohibicións de contratar coa Administración establecidas no art. 60 e 146.1.c) da TRLCSP.

Así mesmo declara que se acha ao corrente do cumprimento das obrigas tributarias e coa Seguridade Social e de non ter débedas en período executivo co Concello de Ames.

(Lugar, data e sinatura do propoñente)"

D) Acreditación da clasificación

Ver pregos de cláusulas administrativas particulares.

E) Acreditación de solvencia económica e financeira e solvencia técnica

Os licitadores deberán

E.1. - Acreditar a solvencia económica e financeira por calquera dos medios a que se refire a

cláusula sétima do prego de cláusulas administrativas particulares.

E.2. - Acreditar a solvencia técnica mediante calquera dos medios a que se refire a cláusula sétima do prego de cláusulas administrativas particulares.

F) Datos identificativos do licitador

Enderezo, nº teléfono, nº fax e correo electrónico do empresario e do seu representante, se é o caso, para as comunicacións con este Concello.

O empresario, ao presentar a súa oferta, dá o seu consentimento a estas formas de comunicación citadas no parágrafo anterior.

G) Unións temporais de empresas

Indicación dos nomes e circunstancias das empresas que a constitúen, participación de cada unha delas e compromiso de constituírse formalmente en UTE caso de resultar adxudicatarias, de conformidade co artigo 59 da TRLCSP e cláusula 7 do presente prego.

H) Declaración de empresas vinculadas

No suposto de que a empresa concorra á licitación con empresas pertencentes a un mesmo grupo, nos termos a que se refire o art. 145 da TRLCSP, presentárase necesariamente unha declaración indicando esta circunstancia e o nome ou denominación social destas, debendo constar este documento en cada unha das ofertas formuladas por todas as empresas vinculadas que concorran á licitación.

De non presentarse a citada documentación no prazo conferido non se poderá proceder á adxudicación do contrato ao licitador clasificado en primeiro lugar.

Sexto.- Facultar ao señor alcalde, para cantas actuacións sexan precisas para a mellor execución do acordado."

E para que conste, aos efectos oportunos, expido a presente co visto e praxe do señor alcalde en Ames, a dezanove de abril de 2018, e coa advertencia de que non foi aprobada aínda a acta da sesión correspondente.

Vº e praxe

O alcalde

José M. Miñones Conde

A secretaria